

28. april 2015

Naalackersuinikkut sulinermi aningaasatigut tapiiasuteqartarneq pillugu Inatsisartut inatsisaata allangortinneqarnissaanut Naalackersuisut UKA2015-imi allannguutissatut siunnersuuteqaqqullugit peqquneqarnissaannik Inatsisartut aalajangiiffigisassaattut siunnersuut § 2 naapertorlugu Partiinut tapiissutaasartut ersoqatigiinnerusumik agguataarneqarnissaat anguniarlugu, partiimut qinigaasumut tunngaviusumik tapiisautit 900.000 koruuninut anner-tusillugit, Inatsisartunullu ilaasortaaitamut ataatsimut tapiissutit 150.000 koruuninut anniki-llisillugit. Allannguut januaarip aallaqqaataani 2016-imi atuutilersinneqassaaq.
(Inatsisartuni ilaasortaqaq Justus Hansen, Demokraatit)

Siullermik siumumi siunnersuuteqartoq qutsavigaarput imatullu oqaaseqassaagut.

Qinikkatut inuiaqatigiinnut sullissinermi allaffissornikkut sullinneqarneq pinngitsoorneqarsinnaa-nngilaq, pingaartumik maani Inatsisartut sullinneqarneranni allaffisorneq eqqarsaatigalugu.

Taamaakkaluartoq Inatsisartuni siunnersuutigineqartut Partiinut tunngaviusumik tapiissutaasartut siunnersuuteqartup qaffanneqassasut siunnersutigaa, ilaasortanut qinigaasunut aningaasartuutit amerlassusaat aallaaviginagu. Siunnersuummi partiinut tunngaviusumik 650.000,00 kr-iniit 900.000,00 kr-inut qaffanneqarnissaat siunnersuutaavoq, ilaasortamullu ataatsimut 210.000,00 kr-niit 150.000,00 kr-nut appartinniarneqarluni

Tamanna Siumumiit akuersaannngilarput, Inatsisartunut qinersisoqaraangat innuttaasut qinersisarner-mi Inatsit atuuttoq malillugu Partiit qanoq amerlatigisut qassinik qinigaatitaqarnerat aallaavigalugu tapiissuteqartoqartarmat, ullumikkutut atuuttoq Siumumi atuutinneqassasoq oqatigeriissavarput allangortinneqarnissaa isumaqataafiginnginnatsigu.

Ullumikkut tunngaviusumik partiinut tapiissutaasartut 650.000,00 kr.-iuvoq ilaasortamullu ataatsi-mut 210.000,00 kr-iulluni. Ilaasortat Partiimi qanoq amerlatiginerat tunngavigalugu aamma allaffis-sornikkut sullinneqarnerat ajorseriassanngitsoq, Siumumi aalajangiusimavarput, taamaattumillu ullumikkut tapeeriaaseq atuuttoq allangortinnani atuutiinnartariaqarpoq.

Nalinginnaasumik ileqquuvoq Inatsisartuni sulinermi allaffeqarfiit ilaasortat assersuutigalugu siun-nersuutaat annertuumik suliarisarmatigut, Siulittaasoqarfimmut apuunneqartinnagit, taamaattumik ilaasortat amerlassusiat tunngavigalugu tapiissuteqartarnermi allannguisoqassappat siunnersuutigi-neqartutut ilaasortat naligiinngitsum ik isigalugit tapiisoqartalissasoq Siumumi isumaqarpugut.

Allaffisorneq soorunami ilaasortat amerlassusaat aallaavigalugu ullumikkutut atuuttoq tapiiffigine-qartarnerat Siumumi isumarput malillugu ajunngilaq pitsannngorsarneqarsinnaallunilu.

Kikkut qassinik ilaasortaaitaqassanersut qinersisartut aalajangertarpaat, taakkuli sulinermini aningaasatigut atugassarititaasut allangussappata sullissinerat innarlerneqassasoq Siumumi isuma-qaratta allanguinissamik siunnersuut tapersersungilarput.

Ilaasortat sulineranni sullissinissamut tapiiffigineqartarnerat assigiittariaqartoq Siumut isumaqarmat.

Taamatut oqaaseqarluta Siunnersuut itigartipparput.

Jens Immanuelson, Siumut